



## AVÎS DI SELEZION PROGRAMISCJ 2021 SEDE DAL FRIÛL - VIGNESIE JULIE

La Rai Radiotelevisione Italiana S.p.A. e inmanee une selezion par titui e provis par cjatâ **4 risorsis** di impleâ cun contrat di aprendistât di cressite professionâl pe ativitât di **Programist**, daûr dal art. 10 dal CCL RAI par quadris, impleâts e operaris:

- 2 risorsis di **lenghe taliane**
- 2 risorsis di **lenghe furlane**

Si ripuarte, chi sot, la descrizion de posizion che si cîr:

***Programist:** al projete, al propon, al da forme e al pronte – sot dal profil culturâl, artistic, organizatîf, produtîf e dal budget – programs radiofonics e/o televisîfs (eletronics o filmâts) culturâi e di spetacul; al scrîf o al partecipe ae redazion di tescj, sogjets, scjalutis, trataments e senegjaturis; al sta daûr ae realizazion dai programs o ju realize direzint la riprese, il montaç, la edizion e la metude in onde; al fâs, se dal câs, prestazions al microfon e/o in video e al mixer video pes ripresis diretis o diferidis di atualitât, inchiestis, dibattiments, ripresis di events sportîfs e in ogni câs in dutis chês produzioni là che no si domande la presince de persone assegnade al mixer.*

Tignût cont dal stât atuâl di emergjence epidemiologjiche di COVID – 19 e daûr des misuris in vore par contrastâ e par contignî la difusion dal virus, la prime fase di selezion si davuelzarà a distance. La seconde e la tierce prove si fasaran in presince, tal rispiet des normis atuâls su la prevenzion des infezions di COVID – 19. Si daran dutis lis indicazions in detai ai candidâts tal moment de convocazion, ancje par vie de evoluzion continue des normis di riferiment e de situazion epidemiologjiche.

### **1 – Recuisîts di partecipazion**

A son requisîts obligatoris:

- A. etât no superiôr ai 29 agns e 364 dîs;
- B. diplome cuincuenâl di Scuele medie secondarie superiôr;
- C. patente di vuide automobilistiche di cat. "B".

#### ***Dome pai "Programiscj di lenghe furlane":***

- D. cognossince de lenghe furlane adate ae figure professionâl di Programist (a titul di esempi e par analogjie, avuâl dal nivel "C2" dal Cuadri european di riferiment pe cognossince des lenghis).

La dotazion tecniche necessarie par podê davuelzi la prove e je:

- **PC** (sisteme operatîf Windows 8 o seguitîfs o in alternative Linux) o **MAC** (MAC-OS 10.14, o seguitîfs), dotât di webcam e microfon. Al è obligatori l'ûs di Google Chrome (version minime 81.0) tant che browser;

- **conetivitat** internet cun velocitat minime in upload e download di 1,5 Mbps. La abilitazion al esam e je dut cās subordenade al requirement check là che si domandarà, inta dīs prin de prove, di fā une session di verifiche de strumentazion e de conession presinte inte sede dal esam;
- **smartphone** o **tablet** (Android version minime 4.1 – iOS v. min. 8) dotat di videocamare. Si consece ancje di doprā il Wi-Fi. Vie pe procedure si domandarà di discjamā une APP intal smartphone/tablet (34MB) di Play Store o di App Store (al dipent se il smartphone/tablet che si dopre al à il sisteme operatīf Android o iOS).

I candidāts a àn di vè i requisits tecnicos e i titui ripuartāts za inte date di scjadince dal tiermin fissat in chest Avīs di selezion, e ancje vie par dut il davuelziment dal procediment di selezion e intal moment de eventuāl assunzion.

Si ametin ae selezion i citadins talians, i citadins de Union Europeane e i citadins di Paīs fūr de Union Europeane cun permanence regolār in Italie.

### Causis di esclusion

No podaran partecipā ae iniziative di selezion lis personis che:

- a sedin stadis licenziadis de Rai Radiotelevisione Italiana S.p.A. o di une altre Societāt dal Grup cun cause o par reson justificative subietive;
- a vedin za davuelt un periodi di lavôr continuatīf o frazionat li di un altri datôr di lavôr cun mansions che a corispuindin ancje a dome une des cualifichis che a son ogjet di chest Avīs di Selezion par un periodi di plui di 18 mēs;
- a vedin za stipulat cu la Rai o cun altris Societāts dal Grup un o plui contrats di lavôr subordenat par davuelzi mansions ogjet di chest Avīs di Selezion, al nivel contratuāl 5 o superiôr. Nol podarà jessi ametūt ae selezion nancje cui che al sedi za stāt assunt de Rai o di altris Societāts dal Grup, ancje cuntun contrat di aprendistāt di cressite profesionāl, par mansions che a corispuindin a chēs ogjet di chest Avīs di Selezion e cuntun nivel di incuadrament inferiôr al 5 par un periodi complessīf di impegn superiôr ai 18 mēs.

## **2. Domande di amission**

La domande di amission e à di jessi presentade dentri des oris 12.00 dai 22 di Otubar dal 2021 dome midiant de compilazion dal modul *on line* che si pues cjatā ae direzion [www.lavoraconnoi.rai.it](http://www.lavoraconnoi.rai.it) inte aree risiervade ae iniziative “SELEZIONE PROGRAMMISTI FVG 2021”.

Il sisteme informatic nol acetarà domandis dopo lis oris 12.00 dai 22 di Otubar dal 2021.

Dopo finide la compilazion dal modul, il candidat al riceverà un messaç di pueste elettroniche gjenerāt in maniere automatiche par confermā la acuisizion de candidature.

Par podē inviā la domande di amission si à di:

- notāsi sul sīt [www.lavoraconnoi.rai.it](http://www.lavoraconnoi.rai.it) e/o fā il login cu lis propriis credenziāls;
- aderī ae iniziative fasint clic su “SELEZIONE PROGRAMMISTI FVG 2021”;
- jemplā i modui domandāts (*a daran dirit ae valorizazion dai titui preferenziāi dome lis informacions presintis inte prime pagine dal modul di adesion – viôt il pont 4*);
- confermā la adesion ae iniziative;
- verificā il riceviment di un messaç di pueste elettroniche gjenerāt in maniere automatiche de casele di pueste elettroniche [programmistifvg2021@rai.it](mailto:programmistifvg2021@rai.it), chel al conferme la acuisizion de candidature.

Chei che a vessin za inserīt il lōr CV sul sīt [www.lavoraconnoi.rai.it](http://www.lavoraconnoi.rai.it), se interessāts, a varan di confermā la lōr partecipazion zontantsi ae “SELEZIONE PROGRAMMISTI FVG 2021” e jemplant il modul on line dedicāt.

Lis domandis rivadis intun formât e/o cuntun mieç diviers di chel ripuartant parsore (es. su cjarte, vie mail e v.i.) e/o fûr dal arc di timp specificât, no saran cjapadis in considerazion.

In câs di indisponibilitât impuartante e prolungjade dal sisteme informatic dentri dal tiermin di presentazion des domandis, Rai e comunicarà ai candidâts lis determinazions adotadis par permeti la presentazion des candidaturis midiant dal so portâl.

Inte sezion “Domande Frequenti” ( <https://www.lavoraconnoi.raai.it/lavoraconnoi/application/faq> ) a son a disposizion lis istruzions par inviâ la proprie candidature.

La domande di amission on line e à di jessi jemplade in dutis lis sôs parts e si varan di zontâ:

- **curriculum** in formât european inzornât e cun fotografie (in formât PDF);
- copie o certificât di **diplome cuincuennâl** di Scuele Medie Secondarie Superiôr cun indicazion de votazion (in formât PDF);
- copie de **patente B** (in formât PDF);
- dome se declarât inte domande di amission: copie o certificât di lauree trienâl, di I o II nivel o specialistiche o vecjo ordenament o magjistrâl (in formât PDF);
- dome se declarât inte domande di amission: copie dal certificât di cognossince de **lenghe inglese** ricognossût dal MIUR, cun segnât il nivel (in formât PDF);
- pai citadins di un Paîs fûr de Union Europeane, une copie dal titul di **permanence** in cors di validitât che ju abiliti a davuelzi ativitât lavorative, e ancje la documentazion che e provi la disponibilitât di sistemazion abitative adate (in formât PDF);
- par cui che al ves di vê titui di studi otignûts tal forest, si à di zontâ une “**Declarazion di valôr**” dade fûr des autoritâts diplomatichis talianis competentis intal paîs là che il titul al è stât dât fûr. In alternative si pues zontâ il “Diploma Supplement” (daûr dal model de Comission Europeane) o atestazions dadis fûr di centris ENIC-NARIC, che a vedin dentri dutis lis informazions che si cjatin inte declarazion di valôr (in formât PDF).

La Rai e pues ordenâ, in cualsisedi fase dal iter di selezion, di preselecion o ancje tal moment de assunzion, la escluson dai candidâts tal câs di: mancjance dai requisîts o de documentazion previodude che a ’nt confermi il possès; domandis rivadis tart o inviadis cun modalitâts diviersis di chê indicade; domandis multiplis; falsetât tes declarazions rindudis; mancjance o malfunzionament des dotazions tecnicis/informatichis domandadis; aciertament di une o plui causis di escluson previodudis al Pont 1.

### **3 – Comunicazions**

Dutis lis comunicazions cui candidâts si fasaran dome midiant de pueste eletroniche doprant la direzion indicade tal moment de spedizion de proprie candidature, sedi inte fase dal procès di selezion che in chê seguitive di preassunzion.

I candidâts a podaran contatâ la Rai scrivint ae direzion di pueste eletroniche dedicate [programmistifvg2021@rai.it](mailto:programmistifvg2021@rai.it).

I risultâts di amission ae selezion, aes fasis seguitivis e i risultâts des provis sostignudis a saran ancje publicâts su la Home Page dal sît [www.lavoraconnoi.raai.it](http://www.lavoraconnoi.raai.it).

Cheste publicazion e cjape valôr di notifiche cun duçj i efjets di leç.

### **4 - Valorizazion dai titui**

E je previodude une procedure di selezion par ognidune des dôs figuris.

L’acès a ognidune des selezions al sarà garantît, su la fonde de valorizazion dai titui descrite, ai prins **50** classificâts (plui i ex aequo, se a ’nd è) in ognidune des graduatoriis.

- Vôt di diplome cuincuenâl di Scuele Medie Secondarie Superiôr: di 0 (60/100) a 10 ponts (100/100).
- Lauree Trienâl o Lauree di I nivel, 15 ponts;
- Lauree magjistrâl, specialistiche o vecjo ordenament, 20 ponts (il numar di ponts previodûts par chest titul no si pues zontâ cun chei che si otegnin pe Lauree trienâl).
- Cognossince de lenghe inglese atestade dai Ents certificadôrs ricognossûts dal MIUR ae date di publicazion di chest avîs, daûr dai criteris standard in vore dentri de Union Europeane: al massim 12 ponts (A1=2pp; A2=4pp; B1=6pp; B2=8pp; C1=10pp; C2=12pp).

Il possès di doi o plui diplomis e/o titui di lauree o di doi o plui certificacions di lenghe inglese, e puartarà ae valorizazion di dome chel titul che al fâs otignî plui ponts.

Il superament di cheste fase di valorizazion dai titui, che il sô risultât di ponts no si tignarà bon pe formazion de graduatorie finâl, al è la cundizion pe amission ae I Fase dal percors seletîf.

## **5 – Provis di valutazion**

Par ognidune des iniziativis si inviarà, in timps diviers, un procès di selezion cu lis modalitâts descritis chi sot.

Si precise che il percors di selezion par “Programist di lenghe furlane” al previodarà – **prin di davuelzi la prime fase** - un colocui (a distance) par valutâ il nivel de cognossince de lenghe furlane, che al à di jessi adat ae figure professionâl di Programist (a titul di esempi e par analogjie, avuâl dal nivel “C2” dal Cuadri european di riferiment pe cognossince des lenghis).

Il superament di cheste prove, che il sô risultât di ponts no si tignarà bon pe formazion de graduatorie finâl, al è la cundizion pe amission ae fase seguitive dal percors di selezion che si davuelzarà dal dut in lenghe taliane.

Il procès di selezion al sarà duncje spartît in chestis fasis:

- **Prime fase:** si davuelzarà in modalitât **a distance**, duncje si varà di colegâsi a une plateforme on line che la sô direzion e vignarà comunicade in fase di convocazion.

- La **Seconde e Tierce Fase:** si davuelzaran **in presince**, tignint cont des normativis di leç in vore al moment dal davuelziment de selezion.

Rai si riserve la facultât di davuelzi ancje la Seconde e la Tierce Fase in modalitât a distance. I candidât, in chest câs, a riceveran une comunicazion preventive in fase di convocazion.

### **I Fase – Risposte multiple**

La prime fase, che si fasarà dome se lis candidaturis validis par ogni iniziative a saran **10** o plui, e sarà un test scrit a risposte multiple (*multiple choice*) in lenghe taliane che al coventarà par verificâ il nivel di culture gjenerâl e specifiche dal teritori, lis cognossincis specifichis domandadis dal rûl (teoriis e tecnicis de comunicazion e dai gnûfs media, storie de radio e de television, teoriis e tecnicis de television, lengaçs e formâts dal cine e dal audiovisîf, culturis e industriis de television, de informatiche e tecnologjiis de comunicazion digjitâl, contignûts e marcjâts de radiofonie), abilitâts gjenerâls e abilitâts specifichis.

La prove si intindarà superade pai prins **10 candidâts** (cence contâ i ex aequo, se a ’nt è) par ognidune des dôs proceduris di selezion.

Il superament di cheste prove, che il sô risultât di ponts no si tignarà bon pe formazion de graduatorie finâl, al è la cundizion pe amission ae fase seguitive dal percors di selezion.

Intant che si davuelzarà la prove di selezion, si sigurarà il principi de corezion automatiche e anonime.

## **II Fase – Prove professionâl e colocui tecnic (50 ponts)**

La seconde fase e sarà spartide in chestis parts:

- elaborazion di un test curt suntun teme specificât (10 ponts);
- redazion de scjalute di un program televisif (10 ponts);
- leture dal test componût (10 ponts);
- colocui cu la Comission tecniche cun valutazion dal eventuâl portfolio professionâl e dal *curriculum vitae* (20 ponts);

Il *portfolio professionâl* al podarà jessi presentât ae Comission inte zornade de convocazion.

## **III Fase – Colocui di cognossince motivazionâl (50 ponts)**

Si trate di un **colocui di cognossince motivazionâl** indreçât a aprofondî lis motivacions e lis spietis dal candidât. A podaran jessi doprâts ancje struments tant che provis atitudinâls e di personalitât.

I ponts otignûts inte II e III fase a saran tignûts tant che utii pe formazion de graduatorie finâl dome se il candidât al varà otignût un risultât minim di 30/50 in ognidune des fasis.

## **6 – Comission**

Al sarà compit di Rai nomenâ la Comission di exam.

## **7 – Graduatorie finâl**

Ae fin de procedure di selezion si formarà une graduatorie finâl par ognidun dai percors di selezion, che si metaran adun tignint cont dai ponts otignûts inte II e III fase (max 100 pp): il risultât otignût si tignarà tant che util pe formazion de graduatorie finâl – e duncje si valorizarà – dome se il candidât al varà otignût un risultât minim di 30/50 in ognidune des dôs fasis.

Il **limit minim di idoneitât** al è fissât in 60/100.

Se plui candidâts a vessin di risultâ in posizion di ex aequo, si darà la preference al candidât plui zovin di etât.

A risultin **idonis vincidôrs** i prins **2** candidâts in ognidune des graduatoriis.

A risultin **idonis no vincidôrs** i candidâts che, pûr vint otignût un risultât compagn o superiôr al limit minim di idoneitât (60/100), a risultin in posizions de graduatorie ecedentis a pet dal numar des posizions specificadis tant che disposizion in chest Avîs di selezion.

A risultin **no idonis** i candidâts che no son rivâts al limit minim di idoneitât.

Rai e podarà tirâ fûr nominatîfs des graduatoriis dai idonis no vincidôrs, tal so periodi di validitât, in câs di rinunziis o di esclusions dai idonis vincidôrs o ben di dibisugnis rivadis intun secont moment, daûr dal ordin di risultât e tignint fer il limit di idoneitât fissât parsore.

La graduatorie e sarà valide par 36 mêis de date di publicazion.

La eventual assunzion cun contrat di aprendistât di cressite professionâl (de durade di 36 mê), che e podarà jessi fate dentri dai 36 mê di validitât de graduatorie, daûr des modalitâts specificadis parsore, e sarà subordenade al mantigniment dai requisîts demandâts pe partecipazion ae iniziative di selezion, comprendûts chel anagrafic pe stipule dal contrat di aprendistât di cressite professionâl.

Cheste assunzion, cun di plui, e sarà condizionade ae rinunzie a eventuâls contenziôs vierts cu la Aziende o ben ae definizion di eventuâi rapuarts di lavôr a cualsisedi titul in pîts cu la stesse, midiant di transazion in sede sindacâl cu la rinunzie esprese di bande dal interessât a ogni pretese intai confronts de Rai daûr dal art. 2113 cc.

Il refût de propueste di assunzion cun contrat di aprendistât di cressite professionâl al puartarà ae escluson de graduatorie finâl.

Pes positions specificadis parsore e je previodude une retribuizion anuâl sporcje minime di jentrade di 23.000 euros cirche, che e rivarà ae cifre sporcje minime di 26.000 euros cirche ae scjadince dai 36 mê.

## **8 – Disposizions finâls**

Cualchidune des fasis de selezion e sarà davuelzude di RAI in colaborazion cuntune societât di selezion esterne denominade Selexi S.p.a.

La sede di lavôr prevalente pal Programist di lenghe taliane e je Triest.

La sede di lavôr prevalente pal Programist di lenghe furlane e je Udin.

Par dutis dôs lis positions si domande la disponibilît a trasfiertis sul teritori regionâl e statâl.

Si previôt che lis provis di selezion si davuelzaran tacant de fin dal mê di Otubar dal 2021.

Lis provis de seconde e tierce fase si davuelzaran a Triest.

Il candidat che nol fasarà l'ingrès su la plateforme intes modalitâts, inte zornade e intai oraris fissâts, o ben che al interromparà la prove par cualsisedi motivazion, al sarà escludût de selezion.

Ai candidâts no ur spiets nissun rimbors pes spesis sostignudis, se dal câs, par partecipâ ae selezion.

Ai candidâts citadins di Paîs no membris de Union Europeane, RAI si riserve di demandâ la esibizion dal titul di permanence in cors di validitât che al abilite a davuelzi ativitâts di lavôr e la documentazion che e provi la disponibilît di sistemazion abitative adate.

Tant che previodût dal Plan trienâl di prevenzion de coruzion di Rai Spa 2021-2023, al moment de assunzion i candidâts a varan di declarâ in maniere formâl la inconsistence di situazions di conflit di interès e incompatibilitâts ancje potenziâls.

RUO/D

Rome,